

3  
15.  
jan.

*Brjef landshöfðingja til amtmannsins yfir suður- og vestur-umdæminu um sveitarstyrk handa þurfamanni.* — Með brjefi frá 10. apríl 1874 úrskurðuð þjer, herra amtmaður, að Biskupstungnahreppi sem framfærsluhreppi Magnúsar Ögmundssonar bæri að endurgjalda Villingaholtshreppi styrk þann, er hinn síðarnefndi hreppur hefði veitt nefndum þurfamanni, að fráregnum 20 rd., og meðtók jeg, eptir að Biskupstungnahreppur hafði áfrýað þessum úrskurði, með brjefi yðar frá 29. nóvbr. f. á ýmsar skýringar um málið, sem jeg hafði beiðzt.

Magnús sá, er hjer á í hlut, er fœddur í Biskupstungnahreppi og flutti sig vorid 1861 þaðan í Villingaholtshrepp; þar hefir hann síðan dvalið, og var honum veturinn 1870—71 veittur styrkur úr sveitarsjóði í þessum hreppi; en Biskupstungnahreppur hefir fyrst og fremst getið þess, að styrkur þessi muni hafa verið boðinn Magnúsi að eins til að varna því, að hann áynni sjer sveit í Villingaholtshreppi með 10 ára dvöl sinni þar, og því næst farið því fram, að engin heimild hafi verið til þess að veita honum hinn nefnda fátækrastryk, þar sem hann hafi átt, þá er hann þáði styrkinn, skepnur, búshöld og sjenadar- og geymsluhús, er hljóti að hafa verið um 300 rdla virði.

Hvað nú fyrst snertir spurninguna um það, hvort Villingaholtshreppur hafi boðið Magnúsi eða troðið upp á hann styrki þeim, sem honum var veittur á hinum síðasta vetri af 10 ára dvöl hans í hreppnum, þá hefir ekkert komið fram þessu til styrkingar við rjettarpróf, sem átt hefir verið um þetta atriði; en það virðist þvert á móti nægilega sannað, að hann hafi sjálfur beiðzt styrksins. Úrslit málsins eru því komin undir því, hvort heimild hafi verið til að taka þessa beiðni til greina, þótt beiðandi hafi átt nokkrar eigur, er hefði mátt farga. Þess ber þá vel að gæta, að þurfalíngur sá, sem hjer er um að ræða, var búandi, og átti fyrir mörgum ómögum að sjá, en þegar svo er ástatt, getur ekkert verið því til fyrirstöðu, að fátækrastrjórnin, ef hún hyggur, að sá, sem kominn er í bjargarprot, muni geta rjett við síðar, veiti honum svo mikla hjálp, að hann flosni ekki upp frá búi sínu, og verði með hyski sínu sveit sinni því þyngri ómagi. Ekkert hefir nú komið fram um, að eignir optnefnds þurfalíngs hafi, í samanburði við skuldalið það, er honum bar fram að læra, verið meiri, en hann gat minnst komist af með, ef hann hefði átt að halda áfram búi sínu, og það virðist því ekki vera ástæða til að halda, að önnur ráð hafi verið til að bæta úr bjargarprotum þeim, er hann var kominn í, en að veita honum styrk þann, er hann fekk.

Samkvæmt því, sem nú hefir sagt verið, skal yður, herra amtmaður, tjáð, til leiðbeiningar og birtingar fyrir hlutadeigöndum, að úrskurður sá, er þjer hafid lagt á málið, skal óraskaður standa.

4  
17.  
jan.

*Brjef landshöfðingja til amtmannsins yfir suður- og vestur-umdæminu um uppgjöf á þjóðjarðarlandsskuld.* — Með þóknanlegu brjefi frá 5. jan. þ. á. hafid þjer, herra amtmaður, sent mjer brjef umboðsmanns Kirkjubæjar og Þykkvabæjarklausturs með fylgiskjölum, þar sem þess er farið á leit, að ábúanda umboðsjarðarinnar Hraunbæjar í Álptaveri, Jóni Jónssyni, verði gefin upp landsskuld fyrir yfirstandandi fardagaár, í notum þess, að hann síðastliðið vor mokaði af túni ábylisjarðar sinnar sandi, er á það hafði fokið. Hafid þjer getið þess, að þjer á embættisferð yðar 1874 hafid skodað jörð þessa, og að hún þá virtist vel setin, en að auðsjeð væri, að land hennar hefði á síðari árum gengið allmikið af sjer. Þjer leggid því það til, að hin umrædda uppgjöf verði veitt, og nemur hún, eptir því, sem þjer skýrið frá, 50 álnum, að hálfu goldnum í tólg, en